



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Decretvm I. Instructio Parochorum, & aliorum qui morientibus assistunt.

urn:nbn:de:hbz:466:1-14298

*ex congregatiōne nostra, & pro iis domum reversi
sacrum de Requiem, proximā die non impedita
cerō celebrem: Decani etiam desuper semper ab-
sentes moneant, ne hēc pia & salubris cogitatio &
mandatum intermittatur, unicuique alias ipsi &
necessarium, & profuturam.*

*Ad decretum Octavum de professione fidei
facienda eandem emiserunt ad manus Illmo.*

Benedictus Slaun	} Vicarii in Cathedrali.
Matthias Schwartzte	
Fridericus Staël	} Vicarii ad S. Joannem.
Bernardus Slaun	
Rabanus Heisterman	} Vicarii ad S. Joannem.
Joannes Loleman	
Rottgerus Osterman	
Bernardus Bannir	

P. Joannes Hanlo Pastor in Rulle.
Jodocus Klefspe }
Joannes Tuschewald } Alumni.
Jacobus Reckfels }
Gerardus Badde }

*Ad decretum Nonum de Decanis. Intra-
mentum consuetum præstitit Decanus Fürsten-
vienensis P. Joannes Wennenck Ordinis Cister-
cijens, Pastor & Confessarius Monialium in
Bersenbruck.*

*Peracta decretorum lectio, rogata est per Secre-
tarium Synodalem ab Illmo conclusio hujus, & indi-
cio novae sessionis, que ad horam secundam pomeri-
diannam fuit promulgata, præsensque cum benedi-
ctione communis dimissa.*

SESSIO SECUNDA.

A Vdito hora secunda signo majoris cam-
pane, pererit ad Ecclesiam Illmo, &
secundam sessionem iuxta Pontificale
inchoavit.

*In loco Synodali postquam allocutus
esset Illmo Clerum ex Pontificale, continuavit ma-
teriam sermonis Synodalis, declaravitque causam*

*alteram, que fabricæ perfectionem impedivit;
scilicet inobedientiam nonnullorum, ponendo ob occi-
los qualem obedientiam quisque de clero debeat Con-
cilia, Canonibus sacris, Synodis, Episcopo suo,
alioisque Superioribus, &c.*

*Sermone habito, Secretarius accepit mandatum
promulgandi specialia decreta, quæ sequuntur.*

DECRETA SPECIALIA SYNODI AUTVMNALIS tertiæ Octobris, 1656, Osnabrigi.

DECRETUM I.

*Instructio Parochorum, & aliorum qui
morientibus assistunt.*

C Um didicerimus multos ex Pasto-
ribus Capellanisque circa mori-
bundos, aut suppicio afficiendos,
non eam curam gerere quam de-
berent, & ad quam in conscientia
tenentur, hinc necessarium duximus, sequen-
tem modum ipsis, juxta consuetudinem alia-
rum Dioecesium, respectivè, & ad normam
veri Pastoris præscribere: Non tamen veta-
mus, si alias pias admonitiones exercitiaeque,
pro suo zelo, ex approbatib. Auctoribus adhi-
bere velint, quin iis secundum circumstantias,
personarum, locorum, & temporis uti pos-
tint. Compositum autem de hac materia aureum
libellum Joannes Polancus S. I. Cujus capita
compendiosè subjiciemus.

§. 1.

*De iis quæ pertinent ad eum qui juvat
morientem.*

Q ui talem juvandi morituri provinciam
fuscipit, sciat te maximi momenti rem ag-
redi, ubi nempe de summa rerum agitur.
Quippe cum mors unicuique semel tantum
accidat, irreparabilis error sit necesse est, si
quis hic committatur. Quare sacerdos 1. Im-
becillitatem suam humiliter agnoscat. 2. So-
lam spem in Deo collocet. 3. Juvandi deside-
rium habeat vehemens. 4. Pro morientibus
tam quibus ipse afflit, quam aliis in univer-
sum, Deum sepe oret. 5. Premitetur res
dicendas, modum, ordinemque concipiatur pro
diversitate personarum, aliter cum doctis, ali-
ter cum indoctis, aliter cum cholericis, &c. tra-
ctando. 6. Non contextu uno omnia dicat,
nec properanter, sed partim interrogando,
partim audiendo, partim discurrendo, per se,
& per alios siuiter absolvat. 7. Cognoscat
statum infirmi, ejusque qualitates, vel in via,
dum

dum ad eum accedit, inquirat. 8. Primo accessu humaniter eum salutet, dolorem ac compassionem demonstrans. 9. Loquentem patienter audiat. 10. Caveat ne tedio eum quovis modo afficiat. 11. In omnibus ita benignum, & charitativum se ostendat, ut infirmus sacerdotem amore prosequatur, libenter audiat, ultra eum ad se vocet, vel admittat facilius.

§. 2.

Infirmus primo omnium in spiritualibus iuvandus.

Prima cura sacerdotis sit, inquirere num infirmus credit ea quae necessitate tam medii, ut Deum esse, & inquirentibus se remuneratorem esse, Christum item & SS^{mam} Trinitatem; quam praecepti, ut symbolum, orationem Dominicam, Praecepta Decalogi & Ecclesie, Sacraenta maximè necessaria, credi debent. Tum ad confessionem, communionem, satisfactionem, demum etiam ad extremam unctionem inducere laboret. De his autem non ex abrupto statim dicere incipiat, sed captâ occasione ex iis, quæ ipsemet infirmus dixerit aut responderit.

§. 3.

Qualiter confessio persuadeatur.

Confessionem, si opus fuerit, etiam generali persuadet ex sequentibus. 1. Quia est remedium animæ. 2. Quia ad salutem necessaria. 3. Quia ad solam peccatorum remissionem instituta. 4. Quia sine penitentia peccatorum venia impossibilis. 5. Quia ira Dei in peccatores terribilis & certa. 6. Vindicta ac damnatio indubitate. 7. Quia Deus impenitentibus justus, penitentibus misericors. 8. Quia jam merendi tempus. 9. Quia status infirmi & cuiusvis peccatoris periculosis. 10. Quia jam sensus infirmi vigint, qui paulo post hebetari queunt, aut obscurari. 11. Quia infirmitas saepe pena peccati, quo ablato pena ceflat, sanitas reddit. 12. Quia ex confessione sequitur mirabilis conscientia quies, securitas & confortatio. 13. Quia confessio decet Christianum hominem, sine qua nec Christianus est, nec Christianorum sepultura aut suffragiis dignus. 14. Imò confessio existentibus in periculo mortis necessaria est, sub pena peccati mortalis, damnationis & maledictionis æternæ.

§. 4.

Quomodo persuadenda contritio.

Contractionem infirmo persuadere potest ex illis: 1. Quia per peccatum Deum offendit, de cuius maiestate Cœli, Angeli,

Dæmones, &c universus orbis contremiscunt.

2. Deum offendit, qui mortificat & vivificat, deducit ad inferos & reducit. 3. Deum offendit, qui est summè bonus & misericors, à quo tot tantaque beneficia accepit; quippe quod creatus est, quod ejus sanguine redemptus; quod catholicus, non hæreticus, quod post tot peccata non statim occisus, mortuus, damnatus; quod tot corporis & animæ commoda habuit, incommoda evasit; Hæc gratum animum requirebant, at peccato ingratissimus extitit, malum pro bono reddidit: nec tamen Deus benefacere cessavit, neque adhuc cessat, sed diem & horam ei prorogat, quo peccata sua deflere possit. 4. Quia iustitia divina Zelus tantus est, ut ne minimum peccatum, ne verbum ociosum impunitum sinat; hoc spectat exemplum Luciferi, Sodomæ, Gomorræ, Diluyi, Datan, Abiron, Ananias & Saphyræ, &c. 5. Quia tanta est abominatione peccati, ut propter illud puniatur, qui alioquin dilectissimus esset Deo, tormentis inferni sempiternis. 6. Quia contritio est necessaria pars pœnitentiaæ.

§. 5.

Ex quibus satisfactio ac restitutio persuaderi possit.

Satisfactio, quæ Deo debetur, fit contritione, confessione sacramentali, oratione, jejunio, eleemosyna. Quæ proximo fieri debet, versatur circa remissionem offense, vel restitutionem alieni. Remissio offendæ persuaderi potest ex infra dicendis; Restitutio ex istis: 1. Quod alioquin peccatum non dimittitur. 2. Quod bona iniqua saepe alia absorbeant. 3. Quod nihil secum auferet quam animam, virtutes & peccata. 4. Quod etiam de obolo injusto reddet rationem. 5. Quod de injuste possessis saepe non gaudeat tertius hæres. 6. Quod male parta, male dilabuntur. 7. Quod, propter injusta bona parentum, Deus saepe maledicit toti generationi spiritualiter & temporaliter. 8. Quod propter filios aut respectum hominum, nemo debet damnare animam suam in aeternum, quia filius, aut quisquam aliis non teneret forte unum digitum in ignis ardore per medium horulam, nedum aeternaliter animam simul & corpus. 9. Quod filii & hæredes saepe sunt ingrati, nec memores beneficiorum illius, à quo tot divitias acceperunt; Ergo ipsomet anima suæ benefaciat, nec aliis committat, quorum incerta est executio, sed quod tunc factum velit, jam fieri curet, ac faciat.

§. 6.

Infirmus juvandus etiam in temporalibus.

POst spiritualia in temporalibus quoque adjuvandus est infirmus. 1. Uxori (si habeat) propiciat de dotis restituzione, vieti & aliis: Liberis, de piis tutoribus, recta institutione, educatione. Filiabus nubilibus de matrimonio seu monasterio; servis de salario, seu recompensatione exhibet servitutis; Creditoribus de solutione. 2. Si tutelam, bona Principis, Communis vel alia administravit, si officium publicum gessit, de quibus reddenda est ratio, fiat, dum tempus durat & ratio. 3. De sepultura sua modum statuat, superflua prohibeat. 4. Testamentum faciat legibus conforme, in quo heredes unum vel plures instituat; Uxor, liberis, creditoribus, ministris, pauperibus provideat; vel si testamentum jam factum sit, videat an in eo aliquid de supradictis addere, detrahere, commutare necesse sit? An in eo pauperum, vel Ecclesiarum, vel aliorum piorum locorum, aut miserabilium personarum mentio? Testamento Executores, qui prudentes, periti ac bona conscientia sint, constituant.

§. 7.

Quid si infirmus jam omnia necessaria adhibuisse dicatur?

SI quis Parochus vel Sacerdos accedit aut vocatur ad infirmum, qui jam confessus esse, & alia fecisse dicatur, videat tamen an aliquid in eo desiderari adhuc possit. 1. Circa sacram communionem. 2. Confessionem. 3. Restitutionem famae vel honorum. 4. Contritionem. 5. Pacem componendam aut stabilendam. 6. Testamentum faciendum, vel corrigendum. 7. Extremam unctionem capiendam. 8. Consolationem ei dandam. 9. Circa alia, quæ ab ipsomet infirmo intelligere licebit. 10. Circa ea quæ sequentibus §§. continentur, &c. Quæ quidem omnium diligenter suppleri curret, suppressa semper nimia spe temporalis vitae, ne à recta moriendo dispositione retrahatur infirmus.

§. 8.

Quomodo circa fidem quis juvetur?

Qui circa fidem, vel articulum ejus aliquem errare noscitur, aut dubitare, juvandus est. 1. Expositione articuli illius. 2. Authoritate Sacræ Scripturæ. 3. Authoritate SS. Patrum, Conciliorum, &c. 4. Professione fidei. 5. Recitatione Symboli Apostolorum, Sacerdote prælegente per modum orantis. 6. Si doctus fit infirmus recitatione

ejusdem Symboli per modum se Deo commendantis, Deo sibi offerentis, Deum obseruantis, gratias agentis &c. dicendo v. g. commendō, offero me tibi, Miserere mei; Gratias ago tibi J E S V Christe, qui pro me passus, crucifixus, mortuus, sepultus &c. qui venturus es judicare, & mercedem reddere unicuique juxta opera sua, ideoque per intercessionem B. Mariæ omniumque Sanctorum, conservare me digneris in sancta Romana Ecclesia Catholica; dare remissionem peccatorum, per veram corundem confessionem, & contritionem, ac demum absque purgatoriū poenitentiam aeternam, &c. sic in singulis articulis alios immiscendo, praesertim de quibus infirmus dubitare putatur.

Qui circa fidem (quod Diaboli inspiratio- nibus accidere solet) tentatur, uti potest, 1. Unica & generali solutione, Credo quicquid credit sancta Mater Ecclesia. 2. Professione fidei, quale in Catholica fide permanere, vivere, mori, nec latum unguum ab ea discedere velle, expressis verbis coram testibus declarat. 3. Generalibus argumentis, 1. ab exemplo totum illud Sanctorum, propter hanc fidem, & in ea mortuorum. 2. à testimonio Dei, Angelorum, Sanctorum. 3. à miraculis in hac fide, & ob eam editis. 4. ab antiquitate, quæ etiam cognosci potest in Ecclesiis, Monasteriis, Episcopatibus ab Hæreticis jam dum destructis, e quibus olim tot sancti viri prodierunt; à perfectione disciplinæ Christianæ.

§. 9.

Quomodo juvetur quis circa spem.

Quod si infirmus circa spem errare vel tentari dignoscitur, vel quia frigidus est in spe erga Deum, vel quia sibi nimium presumit, vel quia non nihil diffidit ac desperat, sequentibus opus est remediis. Qui frigidus est, 1. excitari in eo debet desiderium aeternæ beatitudinis: quod fieri solet exaggerando calamitates, miseras & labores presentis vite, laudando vitam coelestem à visione Dei, à societate SS. Angelorum, & multorum millium Electorum; ab immortalitate, à securitate, à gaudiis & consolacionibus infinitis, & inenarrabilibus. Augeri spes consequendæ beatitudinis potest; 1. Per considerationem bonitatis Dei, qui ita bonus est, ut licet per peccatum infinite offendatur, tamen non vult mortem peccatoris, sed magis, ut convertatur & vivat. 2. Per considerationem Passions & meritorum Christi. 3. Per contemplationem totum intercessorum B. M. Virginis Angelorum omnium SS. 4. Per breves quasdam & devotas oratiunculas. 5. Per excitationem contritionis &c. Qui excedit in spe,

ac

ac nimium de operibus suis presumit, refrænari debet. 1. Quod non ex operibus justitiae quæ fecimus nos, sed secundum misericordiam suam, salvos nos facit Deus. 2. Quod in bonitate Dei, & meritis Christi, figenda est anchora spei nostræ. 3. Quod soli Deo honor & gloria, nobis autem confusio propter peccata nostra, qua propriæ nostra sunt. 4. Quod bona, quæ egimus, Deo in acceptis referenda. 5. Quod licet fecerimus omnia, tamen servi inutiles sumus. Qui vero nimis presumit de misericordia Dei, nec de peccatis videtur compunctus, dirigendus est ad contritionem.

Sin autem diffidentia & desperationis vitio laborare videtur, inquirenda est causa diffidentiae: ac 1. Si oritur forte ex affectu prævo odii, inimicitiae, usuræ, malæ converfationis, voluntatis non restituendi aliena: aut ex peccato in confessione omisso, vel non satis explicato; removendum est impedimentum & affectus per ea quæ infra habentur. 2. Si diffidentia provenit ex pusillanimitate naturæ, vel memoria peccatorum præteriorum, vel temptationibus Dæmonis, animari debet infirmus. 1. Ex parte Dei: quia Pater est, quia miserationum ejus non est numerus, quia patiens, benignus, longanimis & multum misericors, & præstabilis super malitia: quia pro nobis Filium suum unigenitum dedit. 2. Ex parte mediatoris ipsius Christi Domini Nostri, quia peccata nostra tulit, & iniquitates nostras ipse portavit. 3. Ex multitudine Advocatorum Cœlestium. 4. Ex parte promissionis Dei. 5. Ab exemplo Davidis, Petri, Pauli, Matthæi, Magdalene, Latronis, aliorumque, qui ex magnis peccatoribus magni Sancti effecti sunt. 6. Ex bonis operibus quæ fecit. 7. Brevibus ac piis oratiunculis.

§. 10.

Circa charitatem qualiter quis juvandus.

Non minus elaborandum est Sacerdoti, ut infirmum in charitate Dei inflammet, per quam fides firmatur, spes erigitur, patientia in adversis administratur; Excitatitur autem ad armandum Deum per sequentes considerationes. 1. Propter perfectionem & excellentiam Dei, nimurum Sapientiam, virtutem, pulchritudinem, nobilitatem, bonitatem, felicitatem, omnipotentiam &c. 2. Propter prævenientem ejus dilectionem, quia ipse prior dilexit nos, magis quam pater filium, sponsus sponsam, amicus amicum. 3. Etiam fera animalia ad redamandum cogere solent. 4. Propter beneficia gratiæ & redemptionis. 5. Propter beneficia gloriæ in celis præparata. Præterea amor accendi potest per exempla Sanctorum, per breves ora-

tiunculas amore plenas, per excitationem contritionis, &c. ut supra.

Ad excitandam autem fidem, spem, charitatem, contritionem, conductit aliquando ut sacerdos accepto in manus Crucifixo per singula ejus membra ac partes materiam dictarum virtutum suggerat, & quasi ad oculum infirmo demonstret, addendo subinde nervosas & accommodatas quasdam precatiunculas.

§. 11.

Quomodo juvandus qui nimio hujus vita amore detinetur.

Is qui vitæ hujus nimio amore ægrè morturus deprehenditur, disponendus sequentibus. 1. Statutum est omnibus hominibus semel mori. Et morsque differtur non auferatur, & quæ jam amara esse videtur, alio tempore erit amarissima, cum forte minus dispositus fueris. 2. Voluntas Dei est, cui nos debemus subiictere, ad exemplum Christi Domini in horto orantis. 3. Consolari nos debet bonitas divina, ex cujus dispositione (ut ait S. Chrysostomus) boni tunc decedunt ex hac vita cum meliores sunt, mali cum minus mali quam futuri erant, si adhuc viverent. 4. Mors bonorum preciosia in conspectu Domini, ideoque non Mors, sed transitus ad meliorem vitam appellatur. 5. Superantur per mortem omnes miserrimæ vitæ hujus miseriae, quibus nec unâ horâ vacuus est homo. 6. Patriarchæ, Prophetæ, aliisque viri sancti veteris testamenti, summo desiderio optabant, expectabant, & acceptabant hanc mortem; quæ tamen illius temporis sanctos non ad celum, sed ad limbum transmittebat: quanto magis nos Christiani! 7. Militia est vita humana super terram; finis autem belli, pax: sic finis vitæ fidelium, requies, gaudium sempiternum. 8. Multi sancti Dei optabant mortem, imo seipso morti ultro objiciebant.

§. 12.

Quomodo qui nimio rerum temporalium affectu laborat, juvetur.

Qui mori renuit ob rerum temporalium affectum, puta dignitatum, dicitiarum, voluptatum, uxorium, filiorum, amicorum &c. juvari potest partim per remotionem earum rerum, quæ hunc affectum nutrire possunt, qualis est aspectus personarum quas diligit; partim per rationes temperantes hunc affectum. 1. Affectus carnalis affligit hominem sine fructu, imo noxius est, cum impediatur præparationem ad mortem; à qua dependet æternitas. 2. Post mortem, iis quos diligit, plus prodeß apud Deum poterit quam nunc. 3. Deo committenda temporalia, qui tan-

quam fidelis tutor, novit omnibus optimè prospicere. 4. Filiorum est Deus magis pater, quam homo: qui ideo paternam providentiam de eis habebit. 5. Iter agentibus omnis sarcina impedimento est, ideoque abiciendus affectus, & inutilis solicitude temporalium, quæ hominem gravare possunt ad Deum profecturum. 6. Omnia temporalia non donata sunt nobis, sed concessa, ut per ea, tanquam per instrumentum, ad finem creationis nostræ, quæ est visio beatifica Dei, contendamus. Si cœlum acquirimus, quare dolcemus si instrumenta amittimus? Afferri possunt exempla, in primis Christi Domini, qui nudus in cruce mortuus est; Postea sanctorum, qui ut exuti terrenis affectibus morerentur, monasteria & eremos ingressi sunt, temporalia omnia relinquentes.

§. 13.

Quomodo impatiens juvandi.

Impatiens infirmi sedari & refrænari possunt, si cogitent quod impatientia non sublevat, sed auget malum, imo minus patitur qui voluntariè malum amplectitur. 2. Impatientia tollit meritum patientiæ, & imprudenter facit, qui non facit de necessitate virtutem, ut patiatur cum merito id ipsum, quod sine merito alias pati cogitur. 3. à Deo Patre venit omne malum, qui quem diligit castigat, flagellatque omnem filium quem recipit. 4. Infirmitas punitio peccati est: satius autem hic urat, hic fecerit Deus ut in eternum parcat; imo unius horula dolor, cum patientia hic toleratus, plus meretur quam dolores plurium forte mensum in purgatorio. 5. Licet Deus affligat saepe hominem, cum ipso tamen est in tribulatione, faciens cum tentatione proveniunt. 6. Mittuntur afflictiones, ut virtus patientiæ, humilitatis, fidei, spei & charitatis probetur, & crescat cum patientia meritum. Huc referantur exempla Iob, Tobiae, David, SS. Martyrum, & præsertim Christi crucifixi.

§. 14.

Quomodo qui mentis impotes esse putamus.

SI jam mentem amisisse videtur ad quem accessit Sacerdos, 1. interroget adstantes, an infirmus Sacraenta sumperit, resque suas disponuerit. 2. Si nihil horum, variis modis compelleret ægrotum ut eum excitet, 3. qui signum emiserit explicet ei periculum, in quo versatur: interrogando an confiteri & alia Sacraenta accipere cupiat. 4. Si annuit, audiat eum; si loqui nequit, examinet eum de quibusdam peccatis probabilitatem commissis, & ut nutu respondeat hortetur, brevissime

singula percurrento. 5. Si tempus fert, quærat an aliena habeat, quæ restituvi velit: quo annuente vocentur hæredes, aut testes, quibus præsentibus explicetur eis mens infirmi, eodem signis respondent. 6. idem fiat circa restitutionem famæ, compositionem pacis, &c. omnibus expeditis quantum per tempus & conditionem infirmi licuit, detur ei absolutione à censuris, & peccatis etiam reservatis, &c. Moneri quoque potest de testamento saltem nuncupativo, præsentibus duobus aut tribus testibus, oretenus signis, aut nutibus confiando vel corrigendo. 9. Item de Sacramentis Eucharistie (si sumptionem nihil impedit) & extremæ unctionis per eum accipiendo: suggeri subinde queunt jaculatoriæ quædam precatiuncula ad Christum D. ad B. Virginem: quibus animam suam commendet Deo, peccata deploret, contritionem excitet, fidem Catholicam protestetur.

Quod si usum rationis amisit, sed prius Sacraenta petiit verbis, aut signis (ut puta manus elevando, peccatum tundendo) licet magnus fuerit peccator, præsumitur contritus: & potest ei dari absolutio. In summa, prout variè affectus esse potest infirmus, ita variè paratus esse debet parochus, five omnia simili necessaria adhibenda sint, five aliqua tantum supplenda, five imperfecta quædam & defectuosa corrigenda, in quibus id potissimum observabit, ut ubi periculum in mora est, semper quæ magis ad necessitatem salutis spectant, prius pertractet.

§. 15.

Quomodo juvetur, qui lethaliter vulneratus est?

Similiter fiat cum lethaliter vulnerato, vel alio qui usum rationis quidem habet, sed ad breve tempus. Illi enim 1. persuadenda est confessio, saltem eorum, quæ conscientiam illius magis gravant. 2. Remissio offendæ. 3. Contritio. 4. Si tempus sufficit, Eucharistia & Extrema unctione. 5. Dum haec parantur, videri posset de testamento, de casibus restitutions: eaque pariter ordinari coram hæreditibus, vel aliis testibus. 6. si non esset solvendo, proponat saltem, quod, si Deus vitam daret, quomodounque posset, solveret. Quæ cautela ubique observetur. 7. Petat suffragia & orationes piorum locorum &c. Mittat ad dari faciat eleemosynas. 9. Quomodounque infirmus etiam in media confessione agonizare inciperet, detur ei absolutio ab omnibus censuris & peccatis cuicunque reservatis.

§. 16.

Quomodo, qui confiteri nollet.

Si quis infirmus confiteri nollet, 1. juvetur consanguineorum vel amicorum charitate,

te, abhortationibus, eleemosynis, orationibus, Missis, 2. accersatur, vel ultro accedat. Sacerdos, qui 1. amanter salutet infirmum, de morbo interroget, compassionem præ se ferat; ut amoris significatione conciliet sibi benevolentiam. 2. hortetur eum, ut pro remedio configiat ad Deum, qui saepe per morbos hoc agit, ut qui oblitivicebantur lui Creatoris, hoc stimulo excitati ad ipsum refugiant. 3. paulatim ad persuasionem confessionis & contritionis descendat, de quibus suprà. 4. si nulla ratione ad confessionem induci valer, curet intelligere causam ejus rei: accidere enim id potest vel ex infidelitate, vel heresi, vel desperatione, ob vitam male actam, & gravia peccata à multis annis non confessa; vel ex pacto cum Dæmoni inito; vel ex affectu pravo odii, inimicitiae, vindictæ, usuræ, perlone honestæ, vel ex acedia & horrore difficultatis confitendi.

§. 17.

Quomodo juvari debet in quo infidelitas, vel heresi deprehenditur.

SI propter infidelitatem vel heresin confiteri detractat: primo interrogetur an putet Catholicos salvari? si neget, abiurdum erit tot millia hominum à Christo in hac ulque tempora, qui pietati & virtutibus dediti fuerunt damnatos dicere: si affirmat, quare ergo ipse in fide catholica mori formidat? addi possunt, notæ Ecclesiæ nostræ orthodoxæ, quod nimurum sit catholica seu universalis, tam quoad omnia tempora, quam loca; quod sit antiquissima, & nunquam interrupta; quod successione Episcoporum ab Apostolis deducatur; quod sit unio membrorum inter se, & cum capite suo; quod sit sanctissimorum virorum clara, & miraculis à Deo ipso, qui nec fallere nec falli potest, luculenter confirmata. Subiungantur ea quoque quæ affectus movent: carentia sepulturæ, infamia, cruciatus infernales sempiterni.

§. 18.

Quomodo desperatus.

SI ex desperatione renuit confiteri accipiantur remedia, 1. si totius mundi peccata, dæmonum simul & hominum, in uno homine conjungerentur, tamen in abysto misericordiae Dei per poenitentiam in nihilum absorberi, & una gutta sanguinis Christi lavari posse. 2. Si homo faciat quod in se est, Deus nunquam debet.

§. 19.

Quomodo qui pactum cum dæmonie init.

SI pactum cum dæmonie ægrum detinet à confessione, 1. exaggeret ei periculum

damnationis in quo versatur. 2. infamia. 3. excitetur in eo contritio & spes ut supra. 4. dicatur, dæmoni nullum pactum esse ferandum, licet manu propria, ac sanguine firmatum, sed deceptorem decipi debere, configiendo ad Deum & Dominum nostrum JESVM Christum, exemplo plurimorum, quibus per intercessionem B. Virginis Mariæ, & aliorum Sanctorum, etiam chirographum à Dæmone restitutum fuit. 5. ideo & ipse in simum dictæ Virginis Sacratiss. se conjiciat, &c. Etlicet dæmon, chirographum non reddat, non refert, dummodo infirmus de peccatis suis conteratur, veniam petat, eaque per dignam confessionem abluat.

§. 20.

Quomodo, qui inimicitias habet, juvandus sit?

SI difficultas confitendi procedit ex affectu pravo odii, inimicitiae, bonorum personæ, &c. 1. Adducantur quæ, supra dæ satisfactione & restitutione dicta sunt. 2. significetur ei quod mors immineat, per quam omnia bona & corpus ipsum cum suis affectibus deferere cogetur. 3. quod nihil secum auferet, quam animam, bona & mala quæ fecit. 4. quod ante tribunal sitetur, redditurus rationem de actibus suis, accepturus sententiam sive æternæ beatitudinis, sive æternæ damnationis. 5. in remittenda offensa & odio imitetur Christum, S. Stephanum & alios Sanctos, qui pro suis persecutoribus etiam orabant. 6. addantur, quæ timorem incutiunt poenarum. 7. si hæc non sufficiunt, addantur quæ spem excitant & charitatem. 8. aliqua etiam de fama & infamia, de bono nomine, de actibus heroicis, qui potissimum circa restitutionem & offensæ remissionem elucere solent, & hominum laudibus extollit.

§. 21.

Quomodo qui acedia & vicio laborat.

SI ex acedia procedit difficultas confessionis: 1. aperiatur infirmo vicinitas mortis. 2. damnationis periculum. 3. facilitas confessionis, offerendo suam operam in examinando, & ad redigenda ei in memoriam peccata, partemque poenitentiae pro eo (si opus fuerit) subeundam. 4. si nihil juvat, poslet Sacerdos clam, semotis astantibus, per modum conversationis ægrotum interrogare de quibusdam peccatis probabiliter ab eo commisis, sensim ad particularia, species, numerum descendendo, & cum jam magnam partem fecit, monere infirmum, ut reliquum confessionis libenter absolvatur, beneficium absolutio- nis jam jam accepturus.

e

§. 22.

§. 22.

Quid si Sacerdos nihil efficiat?

SI nullo Sacerdotis ingenio ad confessio-
nem induci potest, alii rogandi erunt, qui
plus gratia, vel autoritate, vel doctrina, vel
familiaritate pollent, ut veniant; faciendae
item orationes, Misericordiae, eleemosynae; Ac cum
deum confessio secuta fuerit, alia quoque
tentari & fieri debent, quæ suprà circa com-
munionem, Extremam unctionem, restitu-
tionem, pacificationem, Testamentum, adhiben-
da tradidimus.

§. 23.

*Digressiones nonnunquam facienda
ad circumstantes.*

PRo conclusione autem notet Sacerdos, ut
dum infirmo loquitur, semper habeat ra-
tionem afflentium, faciendo quandoque di-
gressiones ad eorum ædificationem circa se-
quentia: 1. commendet & inculcat frequen-
tem usum Sacramentorum, & securitatem
conscientiae. 2. mortis memoriam & acerb-
itates. 3. miseras humanæ vitae. 4. tempora-
lium rerum vanitatem. 5. temporis nobilita-
tem. 6. fructus virtutum. 7. horæ mortis in-
certitudinem. 8. libertatem cordis ab affecti-
bus rerum humanarum. 9. alia quæ circa in-
firmum incidere solent & notari. 10. ora-
tiones, eleemosynas, Missas, curam & medi-
cinas diligenter pro infirmo faciendas.

§. 24.

*Modus consolandi eos, qui propter delicta
sua ad mortem sunt damnati.*

PRIMO omnium observabit Sacerdos ea,
quæ supra de iis, quæ pertinent ad eum
qui juvat morientem, diximus &c. proinde
Reo benignè salutato, captaque ex præmissis
interrogatiunculis occasione, piè aliquid di-
cere incipiet, dicendique campum ingressus,
omni studio adhibito eidem demonstrare co-
nabitur, mortem imminentem alacri, & pa-
tienti animo subeundam esse, sequentibus ar-
gumentis:

§. 25.

*Quomodo mors patienter Reo subeunda
persuadeatur.*

DEUS Opt. Max. cujus providentia totus
mundus gubernatur, sic permittit, & ju-
bet, ut reus ita moriatur, cognoscens quod hæc
sola moriendi via ei expedire valeat ad salu-
tem. Fiat ergo voluntas D E I.

Agnoscat Reus hanc ipsam mortem pro sin-
gulari Dei beneficio: quippe si in tot sceleri-
bus & peccatis subito, aut quomodolibet

obiisset, damnatus esset; quod periculum
nunc fermè evalit dum præiens mortem,
tempus habet se disponendi, defendi pecca-
ta sua, illaque confitendi; quæ gratia vix ex
mille uni conceditur.

Felicissimum est, & suavissimum hoc ge-
nus mortis: 1. quia mors in lecto plena est do-
lorum & cruciatuum, quorum causa plurimi
vel impediti, vel spe convalescendi decepti,
absque confessione moriuntur & damnantur.
2. mors subitanea calamitosissima est. 3. mors
ex cæde seu vulneribus propter spem vindic-
tæ, iracundiam, dolores, injurias, inimici-
ties, periculosa; hæc autem à morte Rei lon-
gissime absunt.

Multi sunt, qui cum mori debeant, bene
agere vellent, sed carent tempore, opportuni-
tate, auxilio: Reo nihil horum deest. Hic
offerat Sacerdos operam suam diurnam &
nocturnam, usque ad ultimum spiritum Rei.

Semel mori necesse est, five in lecto five
alibi. Quare ergo tantopere timeret, quod evi-
tar non potest? Faciat itaque ex necessitate
virtutem, & quod propter delicta pati cogi-
tur, libenter pro justitia, pro Deo, & pro
fide ejus pati velle, paratus sit, ac parum aberit
à martyrio.

Mors Rei multis proderit: aliqui enim ad
bene vivendum incitabuntur, alii, opinionem
malam de eo conceptam amittent, alii, quibus
nocuit, reconciliabuntur, atque alii ad mi-
sericordiam commovebuntur.

Recenseri possunt horrenda aliquot Sancto-
rum martyria, quæ innocenter forti ac hilari
animo pertulerunt; item aliqua de passione
Domini, jungendo quædam exempla viorum
illustrium, qui vel eandem mortem, vel atro-
ciorem ob minora peccata patienter obi-
verunt.

§. 26.

De confessione Rei.

ET cum hoc hominum genus ferè nun-
quam aut raro rectè confiteri soleat, ideo
necesse omnino est eidem generalem confes-
sionem omnium, quæ recordatur, peccato-
rum persuadere: quia oratione facilius etiam
ad contritionem & patientiam excitari queat.
Pro pœnitentia injungi aliquando Reo posset
mors, qua plectetur, Absolutio detur ab om-
nibus censuris, & peccatis, quantumvis re-
servatis.

Ne tædio afficiatur Reus, collocutio Sacer-
dotis ultra duas horas qualibet vice non ex-
tendatur: expeditque ut pauci cum eo lo-
quantur; & tempus ei concedatur, ad pie
aliquid meditandum de gloria coelesti, de ju-
dicio, de inferno, de Passione Domini;
omnia tamen pro diversitate personarum in-
telligendo.

Si

Si circa fidem , spem , charitatem , contritionem , pacem , liberos , uxorem , bona temporalia adhortatione , aut dispositione opus fuerit , Sacerdos juxta ea , quæ cap. superiori dicta sunt , procedet .

§. 27.

Quomodo cum Reis obstinatis agendum.

QUod si fortassis obstinatus sit Reus & ad Pœnitentiam permoveri nolit : hortator 1. adhibeat , que suprà de nolentibus confiteri , desperatis , aut alio yitio laborantibus , traduntur . 2. etiam genibus flexis rogando , animum ejus flectere conetur . 3. si nihil juvat : irato vultu ac verbis gravioribus agat . 4. industria judicis vel alterius cuiuscunque utatur , quos , quid se absente agere debeant , instruat . 5. calcaria à metu pœnarum infernalium adder . Hic Reus digitum in candelam ardentes inferre deberet , ac per experientiam dicere , quæ inferni minima pena esse possit . 6. per passionem ac tormenta Christi & Sanctorum Reus confundatur , quod eorum particeps fieri tantopere detrectet . 7. Pertinacia Rei Deo commendetur per orationes & Missas . 8. non desistat à cohortationibus Sacerdos , sed ad finem usque constanter perseveret , conando Reum vel in extremo vitæ articulo ad pœnitentiam perducere .

Si Reus odium in judicem , partem adversam , testes , aut quemvis alium habere deprehendatur , qui consolatur , laboret , id ei penitus evelle monendo , si forte tormentorum acerbitate , aut quomodolibet alterius famæ vel suæ detraxisset , seu falso quemquam accusasset , revocet coram judge , testibus , sive quocunque potest modo . Et si modus nullus appareat , sacerdoti coram aliquibus committat , ut loco & tempore commodis , nomine Rei id facere velit .

§. 28.

Observanda cum Reus ad supplicium ducitur.

CUM Reus è carcere ad supplicium educitur , cayeat Sacerdos , ne verbulum , vel quidquam dicat , innuat , aut faciat , per quod Reo mors quovis modo directe vel indirecte maturari & accelerari valeat ; Imo si ab aliquo moneatur , vel interrogetur , immotus faciat quæ sui officii sunt in Reo consolando : alios alia agere sinat .

Præterea in educendo Reo observetur , 1. Ne nimium bibat , & per hoc inebrietur . 2. Ne oculis & animo evagetur : sed vel oret , vel pie aliiquid audiat de gloria coelesti , de Passione Domini , de constantia martyrum , de salute animæ suæ , vultu in Crucifixum fixo . 3. Cum nullo externo , multo minus cum

uxore , filiis , consanguineis loqui permittratur . 4. Sæpe interrogetur an adhuc aliquid conscientiam ejus gravet . 5. Ut majori cum alacritate mortem Reus perferat , sacerdos ei promittat orationes , Missas , &c . 6. Crux parva , seu crucifixus Reo sæpe exosculandus præbeatur . 7. Si Reus genus mortis exhorrescit putatur , hortator , turpitudinem crucis , quæ in veteri Testamento fuit , exaggeret , Christum tamen in ea pependisse innocentem : Quare si anima ad cœlum evolet , parum curari de corpore debere , quod in cinerem redigitur , tam in sepulchro quam extra . Infamiam quoque hominum apud Deum sæpe honorem esse , quemadmodum & prudentia humana apud Deum stultitia est . 8. Usque ad extrellum spiritum Reo semper pie aliiquid fuggeratur & inclamat . 9. Si coronam quis habeat cum indulgentiis , Reo detur , donec expiravit . 10. Post obitum moneantur astantes , ut pro anima defuncti genibus flexis devote aliiquid orare velint .

§. 29.

Quid Reo defuncto agat Sacerdos.

DEmum si Reus jam defunctus consanguineos habeat , Sacerdos eos accedere , & pariter consolari possit , referendo quam bene , ac sicut Christianum decet defunctus sit ; & quod non tam inter turpiter mulctatos , quam inter Cives cœlestis curiae numerari jam queat . Hæc ad consolationem morientium his duobus capitibus breviter sufficiant : quilibet pro suo ingenio , plura addere , hæc eadem ampliare & ex ipso fonte haurire poterit .

§. 30.

De officio Pastorum & Curatorum tempore Pestis.

BEATUS CAROLUS CARDIN. BORROMÆUS ARCHI-BEPISCOPUS MEDIOLANENS. VERUM SPECULUM PASTORUM TOT TANTAQUE POSTERIS DOCUMENTA , CUM ANNO CHRISTI 1576 , NOVEM MENSUM SPACIO MEDOLANI PESTILENTIA CRUDELISSIME GRASSARETUR , PECCULARI QUODAM LIBELLO RELIQUIT , UT ALIQUA EORUM AD COMMUNEM CURATORUM USUM COMPENDIOSÆ PROPONERE OMNINO DEBEAMUS .

Ac principio quidem peroptandum foret , ut omnes PAROCHI & CURATI tempore pestis tali spiritu , fervore , amore , resignata voluntate , sollicitudine , promptitudine & alacritate ad laborandum , succurrendum , juvandum , atque ad ipsam etiam mortem subeundam prædicti essent , quali præfatum B. CARDINALEM , eadem fœva contagione durante fuisse , in ejus vita , & rebus gestis CAROLUS à BASILICA-PETRI EXEMPLIS QUAMPLURIMIS TESTATUR . QUI QUIDEM TOTO LIBRO

libro quarto suæ historiæ tam admiranda & plena zelo animarum de sanctissimo illo Antistite commémorat, ut ea legere vel audire solum, acutissimum fane calcar sit, ad Parochos, peste grassante, ritè excitandos atque in officio suo continendos.

Plane ergo sibi persuasum pastores habent, si illo unquam tempore, illo maximè pastoris officium sibi incumbere, ut animam suam ponant pro ovibus suis: memores se, fugiendo eas, deferere non posse, nisi mercenarii esse, & peccatum mortale committere velint.

Ecquis autem obsecro, ea ipsa occasione metu mortis aufugiat, aut mortis periculum formidet? cum in singulare Dei cœli protectione Curatos commorari, dubium non sit; & si tandem eorum quemquam mori (quod semel necesse est) contingat, Martyrem fieri constet Ecclesiæ suffragio. Certe sanctos illos Presbyteros, Diaconos, aliosque plurimos Christianos, qui sub Valeriano Imperatore Alexandriæ peste horrendissima sœviente, morbo laborantibus ministrando mortem libentissime oppetierunt, S. Dionysius ibidem Episcopus, nec non & Romana Ecclesia pridie Kalend. Martii quotannis Martyrum triumpho concelebrat; Et in præfata Mediolanensis pestis clade, qua decem & septem milia hominum obiisse scribuntur, in tanto Parochorum & Sacerdotum numero, tres tantum ex iis, qui officium erga ægrotos non deseruerunt, defuncti sunt: Sed eorum nemo prorsus morbum ex sacris officiis, quæ infirmis tribuebat contraxit. Felices igitur qui ejusmodi periculis temporibus, prater communem hominum sortem, vel peculiari Angelorum præsidio custodiuntur, vel si tandem eis mori accidat, abique Tyranni crudelitate, sine equaleis, sine ignibus, sine bestiis, omnique alia cruciatuum asperitate, martyrii palmam suavissima quasi morte consequi possunt.

§. 31.

Quid Parocco agendum Pestis tempore.

Suspitione pestis existente, vel ea locum Setiam aliquem invadente, Parochus, 1. Populos suos pro concione fortiter animet, omnem ab eorum animis timorem propellendo. 2. Totis conetur viribus ut omnes ad confessionem & sacræ Eucharistiae sumptuinem inducat, 3. ad placandum iram Dei, & avertendum flagellum præsentis necessitatis, alias distinctis diebus processiones: Item orationem quadraginta horarum: Conventus in Ecclesiam quotidanos (dummodo locum pestilentia nondum invaserit, alias enim Processiones & conventus isti perniciosi essent, & cavendi) nec non & alia pietatis exercitia,

pro occasione & captu populi instituat. 4. Lejunia certis quibusdam diebus indicat. 5. Eleemosynas, & alia tam spiritualia, quam corporalia misericordiae operæ indigentibus exhiberi, ac fieri curerit.

Quosvis de rebus suis & testamento disponere, ac miserorum recordari moneat. 7. Progrediente morbi calamitate, Vota S. Sebastiani per populum fieri, urgeat: Voto se etiam ad festa Ecclesiæ rite servanda, ad chorreas, seu alias loci consuetas levitates abrogandas, & ad similia adstringere possit. 8. A peccatis eosdem seriò & continuò revocet: ad virtutes & usum sacramentorum impellat. 9. Nihil intermitat quod ad populi salutem, conscientiarum securitatem, reconciliandum Deum, præsentemque necessitatem sublevandam expedire, ei videbitur.

Sacramenta Ecclesia pie petentibus administrare, sed absque ambagibus, quam potest brevissimè, non formidet: imo baptismum, poenitentiam, Eucharistiam denegare haud potest cuiquam legitimè non impedito; extremam verò unctionem, (cujus administratione cæteris periculosior est) si conferre alicui lubens voluerit; non enim tenetur; in ea, præter sacras unctiones, reliqua omnia poterit omittere.

§. 32.

Preservativa adversus pestem.

IN quibusvis autem sacris functionibus, sacramentorum collationibus, sive aliis actionibus suis, pestis tempore Parochus sequentia puncta observet quam diligenter. 1. Ab omni hominum, ac præfertim ægrotorum, rerumque ad eos pertinentium contactu sedulo abstineat, iis solum tactibus exceptis, quos ex officio sacrarum administrationum adhibere debet. 2. In vestibus idem plane attendat, ne suæ aliorum vestes quomodolibet attingant. 3. In audiendis confessionibus, aliisque ægrotorum colloquitionibus, quantum fieri potest, inter se & ipsum ægrotum, ignem seu prunas, superpositis granis, vel ligno juniperi, aut alia re odorifera, intermedias ponit faciat, ut ea quæ in aëre est tabes absumatur. Si ignis haberi nequit, saltē aliquo ab invicem intervallo colloquentes distent: confessionesque sic, sed clauso ostio excipiuntur. 4. Vbique caveat ne contra ægroti anhelitum vultu suo ex adverso confundat, sed eum semper cautè declinet. 5. Post singula sacra ministeria digitos accet, vel cerei accensi flamma perpurget. 6. In exequis Defunctorum ipsum funus, si quod comitari opus fuerit, longiori intervallo præcedat. 7. Semper aliquod aromatis genus fortè odorem spirantis in ore teneat. 8. Spongiam aceto imbutam, ac pilæ ligneæ per-

perforatæ inclusam , vel pretiosum aliquod unguentum continuo secum deferat , & naribus odorandi causa identidem admoveat : tempora etiam ac nares acceto vel oleo juniperi sepius inungat . 9. Quantum per sacra officia licebit , vacuum stomachum non habeat , nec tamen plenum , multo minus caput ebrium , ex quo sui ipsius , & totius populi certissimus sequatur interitus . 10. Ante omnia vero Sacerdos in gratia Dei constitutas sit , quæ alios docet verbo , ipse opere & exemplo prius compleat : singularem Pauperum curam teneat : Deum pro sua & gregis sui salute indefinenter oret : Castitatis , humilitatis , magnanimitatis , devotionis , patientiae , temperantiae , mansuetudinis , charitatis , & aliarum virtutum splendoribus cunctis prælucet . Atque hinc in tanta rerum calamitate , corpus & animam suam procul dubio ipse servabit , ac toti populo consolationem affret non vulgarem .

DECRETUM I.

De clausura Monialium.

IN dicta visitatione hac æstate à Nobis facta comperimus , in Monasteriis Monialium necdum clausuræ necessariæ provisum : Et uti Nobis non ignotum est , ab uno extremo ad aliud sine medio perveniri non posse , etiam abusus præcedentium annorum , præsertim belli tempore introductæ majoris licentia , ac libertatis non statim tolli : ita etiam ex officio Pastorali , munereque Nostro Episcopali tene-
mur , ad clausuram , ubi non est , erigendam , vel ubi non perfecta servatur , quantum possumus , introducendam . Quare Nostris Commissariis & Visitatoribus serio præcipimus denuo , ut ei negotio diligentius intendant , ac , uti necessarium viderint , Nostro nomine fieri curent ; Contradictores & opposentes censuris compescant , etiam si opus , brachium sæculare implorando . Quoad Monasteria exempta Superioribus Regulares non solum ad hæc omnia exequenda serio in Domino hortamur , verum etiam , uti Delegatus sedis Apostolicae , sub poenis Ecclesiasticis demandamus . Omnes autem Confessarii , seu Patres Monasteriorum diligenter ad clausuram attendant ; contravene-
nientes superioribus deferant , ipsumet etiam eam obseruent , nec nisi in casibus à jure con-
cessis intrent : minus cum Monialibus aut Laicis , secumve dispensare attinent , sub poenis & censuris Canonicis , juxta constitutiones no-
vissimas summorum Pontificum .

DECRETUM III.

De habitu religioso Monialium.

MAgnum vidimus diversitatem in his Mo-
nasteriis quoad habitum regularem ,

cum is vol non secundum regulam servetur , vel non sit uniformis cum aliis locis ejusdem ordinis : Unde volumus , ut omni exemptione leprosa , is sit habitus singulis Professis , Novitiis , & Virginibus Laicis , quem regula præscribit , & ulla in aliis Monasteriis reformati habet , modestiaque ac humilitas religiosa commendat .

DECRETUM IV.

De puellis , in Monasteriis educandis.

QUAMVIS nullo Concilii decreto , aut alio jure prohibeat , quo minus puellæ in Monasteriis Monialium edacentur , si eadem Monasteria ante concilium Tridentinum consueverint hujusmodi puellas recipere ; decrevit tamen sacra congregatio , ne citra suam , & Superioris (qui respectu non exemptarum est Ordinarius , respectu exemptarum Præla-
tus Regularis) licentiam scriptam , consen-
sumque Monialium capitulariter , & per suffragia secreta datum , admittantur . Ubi vero admissæ fuerint , statuit , ut in loco separato , tam à dormitorio Monialium , quam à loco in quo ipsa Moniales vacare operibus manuum solent , habitent ; communi vietu utantur ; eandem servent clausuræ legem , quam Moniales ipse , & si semel dimissæ exierint , nullam habeant revertendi facultatem . Vestiū incedant convenientie virginali illarum mode-
stia ac pudicitia , præcisis inanibus deliciis : nigri tantum , vel fuscæ , aut etiam albi coloris sit vestitus totus ; non sericas vestes adhibeant , & nullo prætextu exquisito utantur ornatu , vel modernis mondaniis vanitatibus aptato ; nec cincinnatae incedant , neque monilia , neque inaures , aut ejus generis inanæ delicias ferant : nullas secum adducant famulas sine spe-
ciali congregationis licentia : non admittantur minores septem annis , neque ultra 25 æta-
tis annum in Monasteriis manere possint ; sine speciali dictæ congregationis indulto : Nullæ etiam alterius religionis ullo modo reci-
piantur sine Nostra expressa licentia .

DECRETUM V.

De indulgentiis.

CUM etiam abusum videamus , & decreta Nostra Synodalia de indulgentiis , quæ à fide Apostolica obtinentur , sine Nostro consensu ac præscitu , juxta constitutiones Pontificum , non promulgandis , non observari sentiamus : hinc districte iterum mandamus omnibus Ecclesiis , & Ecclesiasticorum locorum Rectoribus , ut intra mensis spatium Nobis originales literas exhibeant carum indulgentiarum , quæ adhuc durant , vel non revo-
catæ sunt , vel termino annorum nondum elapsa , adhuc vigent : nec ulla in posterum pro-
mulgent ,